

遼州續志

第一冊

序
街名
八景
宸翰
條教
匾額
凡例
目錄
上諭
書籍
諭祭

光緒十六年新刊

平遠州續志

州署

平遠州志序

州郡之有志猶國之有史舉凡山川都鄙人物土產疆域沿革風俗盛衰天心人事之感召陵谷滄桑之變換以及忠孝節義維繫教化的不敝者此志無以示來茲平遠舊為山西比喇地康熙間改為府尋改為州州志歲久失修文獻闕然光緒戊子黃刺史紹先牧是邦爰取殘板重加刊刻並檢趙君竹庵等蒐輯原冊略者增之繁者刪之復稟申君石渠湛君

德波等考核以實之後、官斯土者沿流溯
原手是編以周知矣是邦之掌故其於治思
過半矣余謫恒未能一一為之釐訂而深喜
黃牧之政勤心勞有裨於平遠非鮮也
宸賡數語誌其顛末如此
光緒庚寅仲春貴西備兵使者邵積誠識



續修平遠縣志序

昔李吉甫作元和郡國志成謂執事可
以善治王陽明之序高平縣志也白起
坑卒歸咎於諸侯之去其籍於是
以強凌弱以衆暴寡而奸雄遂不復有
所忌憚志之所闕顧不重哉
紹先 爲時
隨宦黔中親見

先大夫歷任州郡於簿書之餘即以
志乘爲念故永甯州志實纂自

先大夫手誠以舉一方之利弊而興革
之能志乘無所從事也平遠爲比刺

地前爲安民潛踞時叛服不常自我

朝恩威遠播籍隸其民人而化之至今近
百年人文蔚起侏僂椎髻之地一變

為衣冠秉禮上邦雖當小醜跳梁豈
論漢夷皆能操戈殺賊故城幾陷者
數次而卒能保全推原其故皆由沐浴
聖教以來人知禮法咸曉然於順逆
能忠君親上以即戎而外匪不足為
患耳余以去年冬奉

天子命來牧是邦暇日與紳耆詢及

志僉云平遠向無志始創修於邱公
業嗣是有鹿俞王李四君以時加修
輯至徐公豐至志乃大備迄今四十
年無繼之者先是少牧錢又堽曾
囑趙只光表等採輯成書志未成
而他去事遂中止邇來又十有六年
矣余閱之慨然曰一家且必有譜而後

可齊況如縣志於是再三搜求舊志
原本並取趙君等採訪抄本閱之均
殘缺不全因思不及此時續修恐數年
後將併此殘缺者而亡矣則凡建置
沿革制度典章以及風俗之變易人
文之盛衰吏治之興廢物產之盈虛
必至茫漭微考而官於斯者何以因

地制宜生於斯者更何以同風觀感哉
嗟志之宜修此非異人任也爰即舊志
不全者為補其殘缺急圖續刊以前
任錢氏採輯一書囑孝廉申石渠
謚德波諸君續入而編次之余不揣
固陋之餘暇更為之增其略刪其
繁間有未當者則檢查案牘訂決

者舊證法輿論以核其實閱數月而
成書其體例悉仿永甯州志及新
舊通志雖決擇未精記載不無缺
畧然覽是篇而官斯土者可覈其
源流生斯土者可知所勸懲又何至
以強凌弱以衆暴寡之輩所忌憚哉
能先此敢言博洽所冀後來君子

而潤色之亦如吾甫之元和郡國志成
執此可以善治是則私衷之所竊企者
爾是為序

光緒十四年歲在戊子季秋月上浣知
平遠州事會稽黃紹先撰



續修平遠州志序

傅 桐

志乘爲一邑信史歷久失修則無以信今而傳後
平遠在康熙初爲府治志之作始於邱黃二太守
嗣經劉俞鹿各刺史歷次增訂至乾隆十九年李
霖邨刺史復加筆削蓋花甲周而已數經編纂矣
自是至道光丙午將近百年事實頗多得徐石民
刺史重修規模益臻完備蓋閱時愈久而考覈於
以愈詳焉咸豐以來賊氛漸熾亦越同治益肆鴟
張幸賴 各大憲勵精籌畫剿撫兼施遂得肅清

志以紀事也然事繁則失之碎事簡則失之畧昔
江文通謂著述之難無出於志者此也今年戊子
值越翁刺史牧平之二年政簡刑清百廢脩舉因
思卽一方之利弊而興除之非志乘不可爰查取
舊志殘板重加增刻復檢得趙君竹菴等蒐輯一
冊閱之已散佚不全於是有續修之舉根竊維修
志於平遠今日其難有四溯自楊逆首禍髮賊披
猖而苗匪緣匪損匪俱一時響應於山谷或分或
合竄擾不時議勦議防殆無虛歲則事蹟難詳也

沿河民舍一炬成焦或臨敵陣亡或禦賊赴難或
烟迷古洞一縷魂飄或卵覆孤巢千巖血濺上下
十餘年間其暴骨荒原埋沒姓字而不彰者蓋不
啻恒河沙數則闢發難周也迄今烽烟已靖村舍
猶稀莽莽荒榛盈阡蔽野新圖未脩舊冊全湮則
戶版難齊也侏僂椎髻土著皆苗漢民遷居五方
雜處語言文字互相異同則風俗難定也雖人才
政事不異昔時德業文章甲於他屬然有此四難
前任諸公所以畏難中止矣顧蕭何入關祇取丞

相府圖籍曹參入蜀篋中惟載圖書此何故哉夫
政治必有考鏡而後揆時度地不難辨其緩急之
宜民情必有觀型而後易俗移風不難作其忠貞
之氣前事不忘後世之師顧可畧歟設此時緩加
編輯將事久無徵流傳失實他日修志之難必更
有甚於今日者奚以昭職守而垂法戒乎根不斂
謹體刺史力任其難之意勉襄厥職幸甚君德波
等時匡不逮而更得刺史聽政暇日時爲覈其源
流指其次第辨其是非正其謬失爰不揣謏陋謹

仿通志列綱有九爲目五十有四雖未能繁簡得
宜然是書成而凡災祥沿革忠孝節廉以及風土
輿章人文政績皆可執卷考証無難也詞固不文
事豈就湮與受鬼責何恤人言爰識其緣起如此
而刺史興利除弊之實心亦可於是編概見也夫